

მწყმეწი



1333

მე ვარ მწყმეწი კეთილი: მწყმეწმან კეთილმან სული თვისი დაჰსდღის ცხოვართათვის. იოან. 10—11.
 მზავე ცხოვარი ჩემი წაწყმედული. მსრუთ იყოს სიხარულ ცათა შინა. იროისათვის ცალცილისა. ლუკ. 15—4.
 მავედით ჩემდა ყოველნი მაშურალნი და ტვირთ-მძიძენი და მე განგისვენოთ თქვენ. მათ. 11—28.

№ 18

1883—1902

30 სექტემბერი

ქართული საეკლესიო გალობის შესახებ.

„ივერიის“ მე № 190-ში ჩვენ ვკითხულობთ შემდეგ საყურადღებო ამბავს ჩვენი ქართული გალობის შესახებ:

„როგორც ვკითხველვებს ვაუწყებდით, ამას წინაჲდ სამს ამ თვეს მოხდა ქალაქის სამღვდლოთა კრება ეპისკოპოსის დიმიტრის თავმჯდომარეობით. კრებამ ერთ ფრიად საგულისხმეირო საგანზედ ჩამოაგდო ლაპარაკი, სახელდობრ იმაზედ, რომ ქართულ ეკლესიებში, სადაც აქამომდე ქართულს ენაზედ ვაისმოდა ლოცვა და დაღადება, ამ ბოლო დროს, სამღვდლოების დაუდევრობით მთლად მოისპო ქართული წირვა-გალობაო. ახლად ნაკურთხმა დეკანოზმა და სიონის საკათედრო ტაძრის წინამ-

დღვარმა, მამა ტყემალაძემ ჯეროვანად განმარტა კრების წინაშე თავის წარმოთქმულ სიტყვაში ეს არასასურველი გარემოება და, სხვათა შორის, ის აზრი გამოსთქვა, რომ ღვთის შამართ დადადი უველას ენაზედ შეიწირების (კურსივი ჩვენია) და, აქ მხოლოდ ჩვენი დაუდევრობაა და სხვა არაფერიო. თვით სასულიერო მთავრობა დიდის სიამოვნებით მიეგებება ამ ჩვენს სურვილს, თუ მოვიწოდებთ ქართულ ეკლესიებში ქართულის წირვა-ლოცვის და გალობის გაუმჯობესებას. ამის დასამტკიცებლად მ. ტყემალაძემ მოიყვანა ექსარხოხად ნამყოფის ფლაბიანეს მიერ დამტკიცებული ოქმი ქართულ საეკლესიო საგალობელ გუნდის დაარსების შესახებ (კურსივი ჩვენია). ხანგრძლივის ბჭობის შემდეგ კრებამ ამოირჩია კომიტეტი ქართულ საეკლესიო გალობის გაუმჯობესებისათვის; კომიტეტში ამორჩეულ იქმნენ: ეპისკო-

აოხი დიმიტრი, დეკანოზი ს. შოშიაშვილი, დეკ-
ტურიაშვილი და ტუილისის სიონის ტაძრის კან-
დელაკი მამა ანტონ თოთიბაძე“.

ჩვენ ეპკი არა გვაქვს, რომ ეხლანდელი აღრ-
ჩეული კომიტეტი იზრუნავს როგორც ჯერ-არს
ქართული გალობის შესახებ, მაგრამ მარტო კომი-
ტეტის დანიშნავს საქმეს არ მოეხმარება. კომიტეტები
მრავალჯერ დანიშნულა, მაგრამ გალობის საქმე წინ
კი არა, უკან დაწეულა... რა ჰქნა დიდის ამბით
1860 წელს თფილისში დაარსებულმა ქართულ
გალობის აღმადგენელმა კომიტეტმა, რომლის რაი-
ონს შეადგენდა მთელი საქართველოს საქართველო?
განა ეს კომიტეტი დამტკიცებული არ იყო სათა-
ნადო მართებლობისაგან? განა ამ კომიტეტში დამ-
სახურებული ჩვენი სამღვდლო პირები არ ყოფი-
ლან? 1860 წლიდან 1885 წლამდე ყველა კომი-
ტეტის წევრების ნამსახურებით სიას ამშვენებდა
შემდეგი სიტყვები: „მოღვაწეობს როგორც წევრი
ქართული გალობის აღდგენებისათვის და ირიცხება
კომიტეტის წევრად“... ნამყოფმა ექსარხოსად
პავლემ მოისურვა ამ კომიტეტის ნამუშევრის და
მოღვაწეობის გაგება. მოხდა კრება, რომელსაც
დაესწრენ მრავალნი გალობის მოყვარულნი. ერთმა
საკუთარი პირმა, რომელსაც ანგარიში მოსთხოვეს,
ასეთი პასუხი მისცა: „ჩვენ არც ნოტები შეგვიდგე-
ნია და არც გალობის გუნდი გვყავს, მაგრამ იმედი
გვაქვს, ყოვლად წმიდა ღვთისმშობელი, რომლის
ხვედრია საქართველო და წმიდა ნინო, შეგვეწვიან
და არ მოსპობენ ქართულ გალობას საქართველო-
შიო“. ეს კომიტეტი მოიშალა და მისი წევრები,
რომელნიც ზეციდან მოვლადენ დაწერილ ქარ-
თულ გალობის ნოტების ჩამოგდებას, დახოვნილ
იქმნენ და ასეც უნდა მომხდარიყო.


თუ თვითონ საზოგადოებამ არ იზრუნა, რა
უნდა ჰქნას კომიტეტმა? განა საზოგადოება ზრუ-
ნავს ქართული გალობისათვის? ჩვენი პუბლიცისტები
და ჩვენი ესრედ წოდებული მეგაზეთეები, ბევრს
გაიძახიან ქართული ენის დასუსტებაზე და დავიწყ-
ებაზე, ბევრს სწერენ გალობის მოსპობაზე, დიდი
ბაასიც აქვთ იმაზე, რომ ქართული გალობა აღდ-
გინდეს, ბევრს ლაყბობენ და სწერენ იმაზედაც,
რომ ბორჩალოს მაზრაში ადგილები სომხე-
ბისა და სხვა ტომის ხელში არ გადავიდესო, მაგრამ
თავიანთი ადგილები მთლად სახლ-კარიანად სახელ-

მწიფო ბანკებში მიაქვთ დასაგირავებლად, თუმცა
დარწმუნებულიც არიან, რომ ერთი წლის შემდეგ ბანკს
დარჩება მთელი მისი მამული!..

კმარა ამდენი განგებ თავის მოტყუება! არც
ერთ კომიტეტს არ შეუძლია ქართული გალობა
აღადგინოს, თუ თვითონ საზოგადოება არ ზრუნავს
მის აღდგენებაზე და საშუალებას არ აძლევს კომი-
ტეტს მუშაობისათვის. დღეს განა ჩვენს საზოგადო-
ებაში ბევრია ქართული გალობის მოყვარული და
ეკლესიაში მოსიარულე? განა ზოგიერთ ეხლან-
დელ ქართველების გულს ქართული გალობა და-
ატკობს? როგორც გნებავთ ისე იგალობეთ—მათ-
თვის სულ ერთია! ბანქოს თამაშობაში 1000—2000
მანეთს ადვილად წააგებენ, ერთი ვინმე მოსული,
მომღერალი ქალის სიმღერის გასაგონად დიდ ფულს
დახარჯავენ და მთელი ღამე მღვიძარებენ, მაგრამ
ქართული გალობის აღსადგენად ერთ გროშსაც არ
გაიმეტებენ!.. ამისთანა საზოგადოებაში კომიტეტი
ქართულ გალობას აღადგენს?!

რაიცა შეეხება „ივერიის“ მოთხოვნას იმის გა-
მო, რომ „ღმერთი ყოველ ენაზე შეიწირავს ლა-
ლას“, ამის წინააღმდეგ-კი ვერას ვიტყვი. ეს ხომ
ნამდვილია და უქადაგებლადაც, მე ვგონებ, ყველამ
იციის მაგრამ საქმეს ეს ვერ მოეხმარება...

დკ. ღ დამაშაძე.



პირველი დათვადიერება და რეგისტრაცია იმერეთის
ენარქიის ეკლესიებისა ყოვლად სამღვდლო
ღვთისმშობლის მიერ.

გაგრძელება *)

ხონის ეკლესიიდან მათი მეუფება წაბრძანდა
ლახუნდარის ეკლესიაზედ. აქაც მრავალი ხალხი
დახვდა მათ მეუფებას შეკრებილი ეკლესიაზედ.
ჩვეულებრივი მღვდელ-მთავრის მიღების შემდეგ,
მათმა მეუფებამ დაათვალიერა ეკლესია, რომელიც
მშვენივრად მოწყობილი და გამშვენებული ნახა.
ეკლესია ხის არის. ეკლესიის კანკელი ჩინე-
ბული მხატვრობით არის შემკული, რომელიც გა-

*) იხ. „მწყემსი“ № 15—16. 1902 წ.

მოწერილია რუსეთიდან. მათმა მეუღლებამ მოიწონა ერთგულება მრევლისა და გრძელ სიტყვაში აკურთხა მთელი მრევლი ღვთის სახლის შემკობის ერთგულებისათვის. სიტყვაში სხვათა შორის, ამხილა მრევლი, რომ მათში კიდევ მაგრად აქვს ფესვი გადგმული ზოგიერთ ამოდ-მორწმუნობას და ვერ მოუსპიათ კიდევ ისეთი მანე ჩვეულებანი, რომელნიც მათ ნივთიერად ღუბავენ და დიდ ზარალს აძლევენ.

26 ივნისს სადილად მათი მეუღლება დარჩა ადგილობრივ მღვდლის პორფირე კავილაძესთან. ნასადილეფს, კოტახნის მოსვენების შემდეგ, წაბრძანდა მათი მეუღლება სოფ. კიცხს და კიცხის წმიდის გიორგის ეკლესია დაათვალიერა. აქაც ბლომად მოეყარა თავი მრევლს. აქ ეკლესია კარგა ხანი დაკეტული იყო, რადგან უკანასკნელი მიწის-ძვრისაგან დახსნილია და საშიშო მდგომარეობაშია. ამ ეკლესიის მრევლი ძლიერ გულგრილია საზოგადოდ ეკლესიის შემკობის საქმეში. მთელს შორაპნის საბლადოჩინო მარაში ორი ეკლესია არის დაშთენილი, რომელნიც მოურთავნი არიან. ერთად ამ ორ ეკლესიაში ეს კიცხის ეკლესია არის, რომელშიდაც არაერთი მორთულობა არ არის. სამწუხაროდ მრევლს ისე შეუჩვევია თვალი თავის მოურთავ ეკლესიისათვის, რომ სრულებით საქროდ აღარ რაცხს უკეთესი ეკლესია იქონიოს. მრევლი მაინცადა-მაინც ღარიბი არ არის თავის მეზობელ მრევლზე. მაგრამ ეკლესიის გამშვენების საქმეში ასე ჩამორჩენიან სხვებს. აქაც, როგორც სხვაგან, ჩვეულებრივად, მათმა მეუღლებამ სიტყვა უთხრა თავ-შეყრილ მრევლს, დაარიგა და განუმარტა მათ ქრისტიანე კაცის მოვალეობა ღვთისა და კაცის წინაშე.

კიცხის სოფლიდან მათი მეუღლება წაბრძანდა ს. ვარძიაში, მაგრამ ამ სოფელში გვიან მიბრძანდა. მეორე დღეს მათი მეუღლება მწირველი ბრძანდებოდა ვარძიის ეკლესიაში. ღამის გასათევად მათი მეუღლება მიპატყეებული ბრძანდებოდა მღვდლის დავით ანთაძისას. მეორე დღეს, 27 ივნისს, მათი მეუღლება წირვას შეუდგა ცხრა საათზე. ყოველად სამღვდლოსთან თანამწირველი იყო ადგილობრივი ბლადოჩინი და მღვდლები. წირვის გათავების შემდეგ, რადგან ხალხი მეტად ბევრი შეიკრიბა, მათი მეუღლება გარედ ეზოში გამობრძანდა და იქ უთხრა მრევლს შემდეგი საყურადღებო სიტყვა:

„ძმანო ქრისტიანენო! ძლიერ სასიამოვნოა, რომ თქვენ თითქმის მთელი მრევლი შეკრებილხართ დღეს წირვის მოსასმენად. სხვა დროს, რასაკვირველია, ამდენი არ შეიკრიბებოთ. მაგრამ დღეს აღბად მიტომ მოხვედით ეკლესიაზედ, რომ გენახათ ახალი მღვდელთ-მთავარი და მოგესმინათ მისგან მოძღვრებითი სიტყვა. კეთილი და პატიოსანი. მაგრამ რა უნდა გითხრათ იმაზე მეტი, რასაც თქვენ გეუბნება ეს დიდებული ეკლესია, ეს მშვენიერი ნაშთი ჩვენ ძველ წინაპართაგან დატოვებული? განა კაცის სიტყვას შეუძლია ჩააგონოს ის, რასაც ჩააგონებს ყოველივე, რასაც ვხედავთ აქ? რას გვეუბნება ეს დიდებული ეკლესია ჩვენ? ყოველი კაცი არა ქრისტიანიცა-კი მიხვდება, თუ რა მხურვალე სარწმუნოებით იყვნენ ჩვენი ძველები აღტურვილნი. იგი-ნი მზად იყვნენ მთელი თავისი ქონება ეკლესიების აღშენებისა და შემკობისათვის მოეხმარებიათ, მზად იყვნენ თავისი ძვირფასი ამკაულობა გაეყიდათ და ღვთის სათნო საქმეზედ მოეხმარათ. ეკლესიის საქმეში მათ არ აბრკოლებდა არაფერი. ყველამ იცის, რომ პატარა საქართველოს გარს ეხვია მტრები და განსვენებას არ აძლევდენ. მაგრამ მორწმუნე ქართველი ერი ამით მაინც არ ბრკოლდებოდა ეკლესიების და მშვენიერი ტაძრების შენების საქმეში. ეს ეკლესიებო დღესაც მოსჩანან თითქმის ყოველ მთის მწვერვალზედ. ძველ ქართველებს ერთ ხელში რომ მტრის მოსაგერებელი იარაღი ეჭირათ, მეორეთი ეკლესიის ასაგები მასალა მოჰქონდად და ამნაირად ღვთის ტაძრებს აშენებდენ. აიღეთ თუ გინდ ეს დიდებული ტაძარი, რომელიც მშვენიერის გეგმით ასე მტკიცედა სდგას. მართალია, ტაძარი არ არის დიდი, მაგრამ იმ დროისათვის, როდესაც იქნება აქ ხალხი იყო მხოლოდ 60—70 კომლი, მათთვის სრულებით საქმარისი იყო ეს პატარა ეკლესია თავისი განცალკევებული სამრეკლოთი. პატარა ეკლესია სამრეკლოს ძირა სართულში ცხადათ ამტკიცებს, რომ აქ სრულდებოდა წირვა ორ გზის, ერთი დილით ადრე და მეორეც გვიან. ერთი სიტყვით კაცის უთქმელად ყოველივე, რასაც-კი აქ ვხედავთ, ცხადად და აშკარად გვეუბნება, თუ რა მხურვალე სარწმუნოებით, სასოებით და ღვთის სიყვარულით იყვნენ გამსჭვალულნი ჩვენი წინაპარნი და რა ერთგულებით შრომობდენ თავიანთ ტაძრების აშენებისა და ძვირფასად შემკობისათვის. აი

რას მოგვითხრობს ეს დიდებული ძველი ეკლესია ჩვენ ძველ წინაპრებზე, რომელთაც იგი ააშენეს. მაგრამ ამავე დროს ეს ტაძარი ცხადად და აშკარად გვეუბნება იმასაც, თუ როგორი ქრისტიანები არიან ამ ტაძრის დღევანდელი შემომავალნი. მცირე მრევლი ეკლესიას იკეთებდა იმ ზომისას, რომელშიაც თვითონ მოთავსდებოდა; დიდ ეკლესიას არ აკეთებდნენ, რადგან ალბად ჰე-ქრობდნენ, რომ მათ შემდეგ გამრავლებული ხალხი აღარ იკმარებდა პატარა ეკლესიებს. ალბად ეგონათ, რომ მათი შთამომავლობა უკეთესს ტაძრებს ააშენებდა და უმჯობესადაც მორთავდა. მაგრამ წარმოიდგინეთ, რომ 60—70 კომლისაგან აგებული ეკლესიის მშენებელი გუმბათიც კი ვერ დაუხურავს 450 კომლ შემავალ მრევლს და ასე გულ-საკლავად სამრევლოის და ეკლესიის გუმბათს თითქმის თავ-გადახდილს უყურებს. არ ზრუნავს, რომ ყავრით მაინც დახუროს, რომ წყალი არ ჩაივდეს ეკლესიაში და ეს მშენებელი ეკლესია არ გააფუჭოს. როგორ შეეძლოთ წარმოდგენა ჩვენ წინაპრებს, რომ ამდენ მრევლს ისე გაუგრილდებოდა გული, რომ გუმბათის დახურვასაც არ მოიწადინებდნენ!.. რომ მართლა ისეთი საძნელო რამ იყოს ამ ტაძრის გუმბათის და სამრევლოის დახურვა, მაშინ ჩვენც არას ვიტყვოდით, მაგრამ ის არის სამწუხარო, რომ თქვენნი სახლების დასახურავად არაფერი დაგიზოგავთ, კარგად დაგიხურავთ და ეკლესიისათვის კი სრულებით არ გიზრუნიათ. განა დიდ ხარჯს მოგცემდათ ამ ეკლესიის გუმბათის და სამრევლოის დახურვა? დარწმუნებული ვარ და ვერც თქვენ იტყვიან უარს, რომ ამ ეკლესიის გუმბათის დასახურავად საკმაო არის 450 ლერი ყავარი, რომელიც უხვად მოიძებნება თქვენსავე სამრევლოში. მაშასადამე თითოეულს კომლს რომ თითო ლერი ყავარი მოეტანა, სრული საკმაო იქნებოდა დასახურავად. მაგრამ არც ერთს ამაზე არ ვიფიქრიათ, არც ერთს არ მიგიქცევიათ ყურადღება ამ ნაკლისათვის. სრული დარწმუნებული ვარ, რომ აქ შემთხვევით მოვიდეს ურია, თათარი ან სხვა ვინმე კაცი—სხვა აღსარებისა, ისიც კი უარყევს საზოგადოებას ამ ეკლესიის გუმბათის დახურვას, ისიც კი არ დაიშურნებს ერთი ლერი ყავრის მოტანას, და თქვენ, რომელნიც ქრისტიანებად იწოდებით, რომელნიც ყოველ დღეს ხედავთ თქვენი ეკლესიის გუმბათს ამნაირ მდგომარეობაში, რო-

გორ არ იზრუნეთ და არ დახურეთ იგი დღემდის. ქეშმარიტად სასიციხო და სამწუხარო არის ეს თქვენთვის. და ღმერთმან ნუ ჰქმნას თქვენ შორის ასეთი დაუდევნელობა თავიანთ დედა ეკლესიის შეკეთების და გამშენების შესახებ“.

მათი მეუფების ამისთანა მგრძნობიარე სიტყვამ დიდი შთაბეჭდილება მოახდინა მრევლზე და მაშინვე შეუდგენ თადარიგს ამ ნაკლის შესასვებლად. ხალხის კურთხევის შემდეგ მღვდელ-მთავარი წაბრძანდა ვარძიის ეკლესიის მღვდლის დავით ანთაძესთან, რომლისაგანაც სადილზე იყო მიპატივებული. სადილობის და მცირე მოსვენების შემდეგ, მათი მეუფება წაბრძანდა ხიდრის წმიდა გიორგის ეკლესიაზე. აქ მას მიეგება ადგილობრივი მღვდელი ი. ბერაძე. ეკლესია ხიდარში არის ახალი ქვეთკირის თლილი ქვისა. ეკლესია ჯვრის გეგმით არის აღშენებული, სრული და მშვენიერად მორთული მხატვრობით. ჩვეულებრივის მღვდელ-მთავრის მიღების შემდეგ, მათმა მეუფებამ დაათვალიერა ეკლესია და მოიწონა. ტრაპეზიდან გამობრძანდა ამბიონზე და შეკრებილ მრევლს უთხრა მოძღვრება:

მადლი უფლისა ჩვენისა იესო ქრისტესი იყავნ ღქვენთათანას.

სჩანს თქვენ და თქვენს წინაპრებს ბევრი უმეტადნაით, ბევრი უშრომიათ, რომ ამისთანა დიდი და კარგი ეკლესია აღუშენებიათ და კარგადაც შეუქმვიათ. ძვირფასია ამისთანა შრომა კაცისა, საქმე და სამაგალითოა მრევლის ამისთანა სიყვარული ღვთის სახლისა. კაცი უკეთესს, უძვირფასეს სიმდიორეს ვერას დაუტყვევებს თავის შვილებს, მომავალ მოდგმას. ვგრძნობ კარგად თუ რამდენი შრომა, რამოდენი გაქირვება და ფასი დასჯირდებოდა აღმშენებლებს ამოდენა ეკლესიის აღშენებისათვის. რით გადაუხდით თქვენ ამ შრომას აღმშენებელთა, რით გადაიხდით თქვენ აღმშენებელთა იმ ამაგს, რომელიც მათ აღმოგვიჩინეს ამისთანა კარგი ტაძრის აგებით? მრავალნი აღმშენებელნი დღეს განისვენებენ და თქვენგან ივინი აღარას საჭიროებენ. მაგრამ თქვენ ეხლაც შეგიძლიათ გარდაუხადოთ მათ მათი ამაგი. თუ თქვენ ისარგებლებთ ამ ტაძრით ჯეროვანად, ივლით და ისმენთ მას შინა აღსრულებულს წირვა-ლოცვას, ისმენთ ღვთის სიტყვას

და სახარებას, დაინერგავთ გულში იმ სწავლა-მოდ-
 ღვრებას, რომელსაც აქ თქვენი სულიერი მოძღვა-
 რი მოგიბრძოლეს და ქრიტეს მცნების თანახმად
 მოიქცევიტ ამ მგეყნიურ ცხოვრებაში და ამასთან
 თუ ილოცავთ აღმაშენებელთა სულის ცხოვნებისა-
 თვის, მაშინ თქვენგან ღირსეულად იქმნება დაფასე-
 ბული აღმაშენებელთა შრომა და ღვაწლი, ღირსე-
 ულად იქმნება დაფასებული მათი ამაგი და ღმერ-
 თიც თქვენი შემწე იქმნება ყოველს დროს თქვენს
 ცხოვრებაში; იგი აკურთხევს თქვენს შრომას“. და
 შემდეგ სხვა-და-სხვა დარიგებათა, მათმა მეუფებამ
 დააბოლოვა თვისი, ჳრძნობით საესე სიტყვა: „ვეველ-
 რები უფალსა, რომ მან მოგანიჭოსთ თქვენ მადლი
 და კურახევა და აგაშოროსთ თქვენ ყოველსა გა-
 ჳირვებასა და ცუდ საქმესა“. შემდეგ მათმა მეუფებამ
 აკურთხა მრევლი თვითეულად და ღამის გასათევად
 წაბრძანდა ადგილობითი მღვდლის იათეოზ ბერა-
 ძესთან.

28 ივნისს დილის რვა საათზე წაბრძანდა მათი
 მეუფება იღმის ღვთის-მშობლის ეკლესიის დასათ-
 ვალიერებლად, რომელიც ხიდარს შორავს სამი
 ვერსით. ამ ეკლესიის ეზოში შეკრებილიყო თით-
 ქმის მთელი მრევლი. ჩვეულებრივ მღვდელ-მთავრის
 მიღების შემდეგ, მათმა მეუფებამ დაათვალიერა
 ტაძარი, რომელიც ღარიბულად არის მორათული.
 მათმა მეუფებამ მრევლს ამბიონიდან უთხრა სიტყვა,
 რომელშიაც განუმარტა მათ მოვალეობა ქემშარი-
 ტი ქრისტიანე კაცისა. ბოლოს აკურთხა თითეუ-
 ლად ყველანი და წაბრძანდა ხარაგაულის საბლა-
 ღოჩინო ოლქის ეკლესიების დასათვალიერებლად.
 ათი შტატი შორაპნის საბლაღოჩინო მაზრისა დარჩა,
 რადგან ხარაგაულის საბლაღოჩინო ოლქი იღმის
 სოფლიდან იწყება და უფრო საადვილო იქნებოდა
 მათი დათვალიერება შემდეგ ხარაგაულის ეკლესი-
 ების დათვალიერებისა.

დკე. დ. ღამ—ქე.

(გავრძელება იქნება).

† მღვდელი ნიკოლოზ ძიმისტარიშვილი.

(ნეკროლოგი)

ავგისტოს 31-ს რიცხვს სოფელ კვაუთის (სე-
 ნაკის მაზრა) მთავარ ანგელოზის ეკლესიის გალა-
 ვანში დაასაფლავეს გვამი მიცვალებულის მღვდლის
 ნიკოლოზ ძიმისტარიშვილისა, რომელიც უკანასკნელ
 დრომდე მსახურებდა მისს საყვარელს ეკლესიაში
 წმიდად და ღირსეულად. წირვა და პანაშვიდი გან-
 სვენებულის სულის მოსახსენებლად შეასრულეს
 დეკანოზმა გ. ბერიძემ, ბლაღოჩინმა კ. ჩაჩიბაიამ,
 მოძღვართ-მოძღვარმა მღ. მ. ანჯაფარძემ, მ. გო-
 გინავამ და სხვა მრავალ სამღვდლოების თანდას-
 წრებით. ანდერძის აგების შემდეგ, ამავე სამღვდ-
 ლოებმა გამოსვენა გვამი მამა ნიკოლოზისა და და-
 ასვენეს სასაფლაოზედ. ბევრი ცრემლი დაიღვარა
 მისი ცხედრის წინაშე. სიყვარულით აღგზნებულ
 მისდამი სამწყსო ამბორებთა და თაყვანებით გამო-
 ეთხოვა თავის საყვარელს მოძღვარს. განსვენებული
 მამა ნიკოლოზი კარგა ღრმა მოხუცებული იყო და
 დიდის ხნის ნამსახურიც ამა სოფლის შტატში. იგი
 იყო პატიოსანი მოძღვარი, უბრყვილო და ბეჯითი
 მსახური ქრისტეს ეკლესიისა. განსვენებულის ცხედ-
 რის წინ გრძნობით აღსაესე სიტყვა წარმოთქვა თ.
 როსტომ ღვეანის ძე ჩიქოვანმა. აი ეს სიტყვა:

„მაღალ-ღირსო და დაუვიწყარო მოძღვარო,
 მამაო ნიკოლოზ! დადუმდა სიმართლის მეტყველი
 შენი ენა, დადგა ამიერიდგან მსხვერპლის შემწირ-
 ველი პატიოსანი მარჯვენე შენი, მოეკვეთნენ სიკე-
 თეზედ მავალნი ფერხნი შენნი; შესწყდა შენში
 მგრძნობელის გულისა ცემა, რომელიც იყო გამსკ-
 ვალული განუსაზღვრელის სიყვარულითა შენის სამ-
 წყსოისადმი, და ამა უგრძნობი და უგულო მიწა-
 გარდაფარებს ბნელსა და ცივს საბანს განსახრწნე-
 ლად შენს პატიოსანს გვამს, რომელსაც ჩვენ ვაფრ-
 ქვეთ მდულარე ცრემლს. გარნა, მოძღვარო, სამა-
 გიეროდ შენ მოგებული ვაქვს გული ყველა შენის
 სამწყსოისა, ნათესავთა, ამხანაგთა, მეგობართა, შე-
 ნის მადლიანის ხელით აღზრდილთა და ნაცნობთა-
 ცა, რომელნიც თანასწორად შენის ოჯახისა დღეს
 შთავარდნილან ამა უზომო მწუხარებასა შინა. მამაო
 ნიკოლოზ! შენ არ იყავი „სწავლით განათლებული“,

მაგრამ იყავ მეცხრამეტე საუკუნის პირველ ხანებში შინაურულად, ძველებურად მომზადებული; სიყრმიდგანვე შთანერგილმან გულსა შინა შენსა სარწმუნოებრივმა ძალამ, ზნეობრივად განგინათლა გული და განგმტკიცა ქეშმარიტი სულიერი კეთილ-მორწმუნეობა ყოველსა ეამსა მსახურებისა შენისასა აქამომდე. არა ამოდ გვასწავებს მოციქული პავლე: „მხნე იყენით და განძლიერდით“ (ა. კორ. ილ.). დიახ, მამაო! შენ იყავი მხნე და ძლიერი ქრისტეს მცნების მსახურებაში პატიოსანის ცხოვრებით, სარწმუნოებით, სასოებით, სიყვარულით, სიმშვიდით, მართლ-მოყვარეობით და სხვა მრავალი კეთილი მხრით და ესე ყოველი განამშვენებდენ მღვდელ-მსახურებასა შენსა და სარბიელსა ცხოვრებისა შენისასა ამა ქვეყნად. ამისათვისაც ღირს იქმენ და წილად გერგო შენ გეგემებინა ევოდენ სიმხნით და ძლიერებით კეთილ-მსახურებითი ცხოვრება ამ ქვეყნიურ დროის განმავლობაში—თითქმის ერთის საუკუნესი.


ღირსო მამაო! ნეტავი შეგეძლოს ერთის წამით მაინც, გადმოხედო შენს მოყვარულთ და პატივისმცემელთ სასულიერო და საერო პირთ, რომელნიც შემოკრებილან ამა შენის ცხედრის წინაშე მსურველე ცრემლთა დენით, რათა მოგიძღვნან უკანასკნელი მადლობის საღამო ღირსეულს მოძღვარს! მაშინ დარწმუნდები, თუ რაოდენ საყვარელ ხარ ყველასათვის, რაოდენ სამწუხარო და საგრძობელ არს შენი მოშორება ჩვენთვის და რაოდენ კეთილ-ნაყოფიერ არს ქეშმარიტი სულიერი სიყვარულის განმტკიცება მოძღვრისა და მისის სამწყსოის შორის. ვხაროდენ, მამაო ნიკოლოზ, რამეთუ ესრედ ყველასთან და ყოველსა შინა მიგიძღვის ღირსეული კეთილ-მსახურება, რომელი სათნო გეყოფის შენ ადგილსა მას განსასვენებელსა, სადაცა მიგელის აწ სამყოფელი ნებისაებრ მღვთისა. ოჯახმა შენმა შენის დაკარგვით დაობლებულმა, გულ-დაჩაგრულმა, მტირალმა, რით შეიმშრალოს ესოდენ მღუღარე ცრემლი? ღვთის განგების მორჩილებითა და იმ სიყვარულით და პატივისცემით, რომელსაც დღეს აღმოუჩენენ მათ მიცვალებულს მისი სულიერი შვილები, თანამომენი და ყველა მოყვასნი. ქეშმარიტად სანუგეშოა ეს ქირისლავალთათვის და თქვენც ინუგეშეთ, ვინც ასე იგლოვთ მამა ნიკოლოზის განსვენებასა. მადლობას ვსწირავ შენს მამობრივს

სიყვარულს, დაუვიწყარო მოძღვარო, და ამა გრძნობით აღსავსე—მუხლმოყრილი ამბორს ეყოფ შენს პატიოსანს ცხედარს. ვევედრები მოწყალესა ღმერთსა, რათა სიტყვისაებრ მისისა განგისვენოს შენ ადგილსა ნათლისასა, ბრწყინვალესა, სადაცა მართალნი მკვიდრ არიან“.

ასე, ესრედ გულით მტირალი სამწყსო გამოეთხოვა თავის საყვარელს მოძღვარს, და გვაში მიცვალებულისა საფლავს მიბარეს.

დამსწრე.

ხსენიან სურათი



მ შ უ ა ს.

შეიტკბო გული შენმა სიახლემ, აღმიფრთოვანა სიბრძნის ნაწილი, მიმმართა გზასა სიწრფელისასა, სულიერ ზრდაში დამიღო წილი.

ვცდილობ, ვიუნჯებ, იმაზე ვაზრობ, როს მევლინება შენგნით ფრაზები, რომ ჩემსა ნაკალმს შენგნით შთანაბერს აჩნდეს სიმართლის ნამდვილ ხაზები.

ეს ხაზი არის საღმრთო ღაღადის, მის ფრთეთა ქვეშე ნეტარ შებიზნვის, და შეძლებისა ჩემისა გვარად დამსურათებელ სპეტაკი მიზნის.

ნა ნაკალმის
სამოქალაქოც ჩვენი ვალია ზენა ნამცნები ქეშმარიტება, ვინცა დაიცავს თვისსა ვალდებას და ამ კეთილ მხრით აღიბეჭდება.

მაშ ჩემო მუხავ, შენ განმიტკიცე ეს ნაპერწკალი ჩემში გზნებული, მარად ამ აზრით, ამავე ხაზით ღაღად ვჰყო სიტყვა ესე მცნებული.

რომ შთანაბერის ძლიერის ძალით სიმართლეს ვხმობდე, მას ვმსახურებდე და ამა წმიდა ღვაწლით შექურვილს შენს აიაზმას მომასხურებდე.

თ-ლი როსტომ—გუმა ჩიქოვანი-

მოზა, რაკი ნორმალურს მიმდინარეობას ასცდა, მუცლის წახდენით გათავდა. მუცლის წახდენა არაფრით არ გართულებულა; ავადმყოფისთვის სიცხე არ მიუცია; მაჯის-ცემაკ წესიერი ჰქონდა. ლეიბ-აკუ-შორი პროფ. დიმ. ოტტ. ლეიბ-ქირურგი გირში. პეტერგოფი, 20 აგვისტოს 1902 წელს.

* * მათი უდიდებულესობანი ამალითა და იმ პირთა თხზულებით, რომელნიც დაესწრნენ ხერსონესში, გარდა გრადონახალნიკისა, მიბრძანდნენ ბახისარაიში 12^{1/2} საათზედ. საიმპერატორო მატარებლის მოახლოების დროს გაისმა ხალხის განუწყვეტელი „ურა“. მათ უდიდებულესობათ შეეგებნენ გუბერნიის უფროსი კამერგერი ტრეპოვი, გუბერნიის თავად-ახნაურთა წინამძღოლი სკადოვსკი, მაზრის თავად-ახნაურთა წინამძღოლი, თავმჯდომარენი საერო გამგეობათა, მე-13 დივიზიის უფროსი გენერალი ცერპიციკი, 1 ბრიგადის კომანდირი გენერალი სოლოგუბი, უფროსი ენდარმთა სამმართველოსი გენერალი ტრუბნიკოვი, ქალაქის თვით-მმართველობის წარმომადგენელნი და ქალაქის თავი დავილოვი, რომელთაც მიართვეს პურ-მარილი. გუბერნატორი და თავად-ახნაურთა წინამძღოლი ღირს იქნენ მშვენიერის თავიგულისა. მათი უდიდებულესობანი ახდლის ეტლით მობრძანდნენ ხანის სასახლეში, სადაც მათ მიეგებნენ წარმომადგენელნი თათრებისა, ბერძნებისა, კარაიმისა და ებრაელებისა. სასახლეში იყო გამოფენილი ნიმუშები შინა მრეწველობისა. აქედან მათი უდიდებულესობანი წაბრძანდნენ უწინდელს ძველს კარაიმის ქალაქ სუფუტ კალეში, სადაც მათ შეეგება ხახამი პამპულოვი, ნახა თორა, რის შემდეგაც მათ უდიდებულესობათ მიიღეს კარაიმოს საზოგადოებისაგან მირთმეული საუხზე და 4 საათზედ წაბრძანდნენ მიძინების სკიტში და ზემო-ეკლესიაში მოისმინეს პარაკლისი. ქალაქი სადღესასწაულოდ არის მორთული და აღესილია გამზიარულებულის ხალხითა. 6 საათზე მათი უდიდებულესობანი დაბრუნდნენ სევასტოპოლში, საილამაც კატერით გადაბრძანდნენ საიმპერატორო იაზტა „შტანდარტზედ“. „ურას“ ძახილი არ შეწყვეტილა დიდ-ხანს.

* * უწმ. სინოდის თხოვნით შინაგან საქმეთა სამინისტრომ აღკრძალა ფონოგრაფებისა და გრამოფონებისათვის სასულიერო საგალობლების გადაღება.

* * თებერვალში შინაგან საქმეთა სამინისტროსთან შესდგება განსაკუთრებული კომისია სამკურნალო წესდების გადასთვალთვლებლად. კომისიაში მონაწილეობის მისაღებად მიჯეულნი არიან ქალაქებისა, საგუბერნიო და სამაზრო ერობათა და სხვა დაწესებულებათ წარმომადგენელნი.

* * რა დააჯდმრა თითოეული ომი? სეყურად-ღებო ამბებს გადმოქვეცემენ გაზეთები იმის შესსახებ, თურა დამჭდაზა თითოეული ომი მე-XIX საუკუნის მეორე ნახევარში. მოგვეყვს აქ ვინმე ენკელის მიერ გამოანკარიშებული ცხრილი: 1) ეარიმის ომი დამჭდაზა (1853—1856 წ.) 3 მილიარდი და 7.000,000 მანეთა; 2) ავსტრია-პრუსიის (1866 წ.)—61.000,000 მანეთა; 3) იტალიის (1859 წ.), 550.000,000 მანეთა; 4) ჩრდაღოეთ-ამერიკის—(1863—1865)—12 მილიარდი, 58.000,000 მ., 5) საფრანკეთ-პრუსიის (1870—1871 წწ.)—5.510.000,000 მან. და 6) ოსმალეთ-რუსეთის (1877—1878)—2.085.000,000 მან.

* * რამდენს იღებენ დღეში ხელმწიფეები და სახელმწიფოს მმართველნი? ოსმალეთის სულთანა დღეში იღებს 40,000 მანეთს, ავსტრია-უნგრეთის იმპერატორი—25,000 მან., გერმანიის 20,000 მან., იტალიის მეფე—16,000 მან., ბელგიის მეფე—4,000 მან., საფრანკეთის რესპუბლიკის პრეზიდენტი—1,200 მან., ხოლო შვედეთის შტატების პრეზიდენტი—350 მან.

* * მოგვეყვად მე-IX ნომერი სეყმარელო ჟურნალ „ჯეჟილი“-სა შემდეგის შინაარსით: 1) „ცოფი და მგელი“—აღ. ხარშილადისა.—2) „დიდი ბატონი“—ბეს. ვაშაძისა.—3) „შოშია“ (კრილოვის იგავ-არავი)—აკაქისა.—4) „იშვიათი მამაცობა“ (თარგმანი).—5) „შვიდი ევაგი“ (ზღაპარი)—ნაკუშა მახაბლისა.—6) „დარაჯი ბატი“ (თარგმანი). 7) „მელის თავ-გადასავალი“ ზღაპარი—(გაკრძელება) აღ. ნათაძისა. 8) „მგელი და მელა“ (ფუნკევიჩისა)—კ. ფრანისზარეღისა. 9) „ზაპარა დედოფალი“ (თარგმანი) გაკრძელება—ს. ციციშვილისა.—10) „გიორგი“ (მთხრობა) გ. ბოკერისი.—11) „ავქსენტი ანტონის ძე ცაკარელი“ მოკლე ნეკროლოგი—ს. შკაღობლიშვილისა.—12) „წერილმანი: ანდაზეები, გამოცანა, შარდა, ართმეტიკული ამოცანა და სხვა“.

* * * შინაგან საქმეთა მინისტრმა გადასწევატა ადვოკატულ იქმნას ცალკე ნომრებით გასეიდვა გასეთის «Переп. Газета»-სა.

* * * 26 აგვისტოდან 1 სექტემბრამდე ავად გახდა სოფლით ზორტ-არტურს 45 კაცი, დაღინის—5, ვლადივოსტოკში—24, უსურაის ნაკოლსკში—3, ბლაგოვეჩენს—4. რაკი ეველგან შესუსტდა სოფლის ეზადეშია ზრიაშურის სვეტენდო-გუბერნატორში და ამ უკანასკნელ სამს კვირას ადრავინ გამსდარა ავად ბაკაღის ტბის მახლობელ ადგილებში, შესადლებულად იქმნა ცნობადა, რომ თან-და-თან შეეცირდეს რიცხვა მკურნალთა და ობსერვაციის ვადათა მხოლოდ ორი დღე იუოს დაწესებულ ირკუტსკში აღმოსავლეთიდან დაბრუნებულ კადმო-სასლებულთათვისაო.

ოდესში 28 მაისიდან 29 შემთხვევა იქმნა აღმოჩენილია საქვო ავადმყოფობისა, რომელიც შავ ჭირად მიიჩნეეს. ამ ავადმყოფთა შორის 10 კაცი მოკვდა. აქედან სექტემბრის ზირველს ქვეს დღეზე მადის ხუთა ავადმყოფი, მათ შორის ოთხი კარდაიცვალა. 7 და სექტემბერს საქვოდ ავად არავინ გამსდარა.

* * * ტფილისის გუბერნიის მარშლის თხოვნის თანახმად, თავად-აზნაურობის მამულების გამგე კომისიამ ვაუჭაუნა 450 მან. ნოვოპერკასსკის კადეტთა კორპუსს თავად-აზნაურობის ერთის სტიპენდიანტის შესანახად ღონის ყახახთა ჯარის ოფიცერთა შეილთაგან. იმავე კომისიამ შეიტანა ტფილისის სახანოში 1,350 მან. ტფილისის კადეტთა კორპუსის დეპოზიტად. ამ ფულით უნდა აღიზარდოს სამი სტიპენდიანტი მე-13 ლეიბ-გვარდიის მის უდიდებულესობის ერვენის პოლკისა, მე-20 არტილერიის ბრიგადისა და მის უდიდებულესობის მე-80 ქვეითა ყაბარდოს პოლკის ოფიცერთა შეილთაგან. ეს ოთხი სტიპენდია დააარსა ტფილისის გუბერნიის თავად-აზნაურობამ საქართველოს სამეფოს რუსეთთან შეერთების ასის წლის სახსოვრად.

* * * ფოთის კათედრის დეკ. გრიგოლ მაჭანაძეადა კარდაიცვალა. ნეკროლოგი შემდეგ №-ში დაბეჭდება.

* * * დეკ. ალექსანდრე აკობის ძე მანსუეტოვი 28 სექტემბერს კარდაიცვალა. გვამი მისი იქნება დაკრძალული 2-ს ოკტომბერს ს. ნროიში. ყოფილად სამდევლო ღუნდი იმერეთის ეპისკოპოსი თბილისს წაბრძანდა ზირველ ოკტომბერს, სადაც მწირველი ბრძანდება დეკ. მანსუეტოვის დასაფლავების დღეს.



სწავლა და მეცნიერება ქრისტიანობრივ სარწმუნოებასა და კეთილმზნეობაზე.

ს ი ტ ყ მ ა.

თქმულია 8 ენკენისთვეს კელათის მონასტრის ტაძარში ყოფილად წმიდა ღვთის-მშობლის დაბადების დღეს.

შობამან შენან, ღვთის-მშობელო ქალწულო, სიხარული აუწყა ყოველსა სოფელსა.



შვა, დაიბადა დღევანდელ დღეს ებრელთა უბრალო და პატარა ქალაქ ნაზარეთში, მართალთა იოაკიმე და ანნასაგან, ყრმა მარიამი, და ყოველსა სოფელსა, ე. ი. მოელს ქვეყანას ეუწყა უსახლგრო სიხარული, ვინაიდგან ამ ყრმის შობამ დახსნა, მოსპო ბერწობა კაცობრიობისა, შეასმინა ქვეყანას დამტევნელი თვის შორის ცათაგან დაუტევნელისა ღვთისა, აღმოაცენა ძუძუნი, აღმზრდელნი ყოველთა მზრდელისა! იშვა, დაიბადა დღევანდელ დღეს ნაზარეთში ყრმა მარიამი და სოფელი აღივსო სიხარულით, ვინაიდგან მოიპოვა მან (სოფელმა) მშობელი ცისა და ქვეყნის მეფისა, გამოიღო ყოველთა წმიდათა ანგელოსთა და მთავარ-ანგელოსთა და ყოველთა დაბადებულთა უბატოისნესი ნაყოფი, აღიდგინა ურცხვენელი, სასდა შესავედრებელი, ყოველად ჰლიერი და მხურვალე შუამდგომელი დამბადებლისა მიმართ! იშვა, დაიბადა დღევანდელ დღეს ქალაქ ნაზარეთში ყრმა მარიამიო, გვახარებს წმიდა ეკლესია, და ხმა ესე აღავსებს სიხარულით საქართველოს ეკლესიის მორწმუნე შეილებს გულთ, ვინაიდგან სამშობლო ჩვენი იყო და არის ამ ნეტარი ყრმის წილობადი! იშვა, დაიბადა ნაზარეთში დღევანდელ დღეს ყრმა მარიამიო, გალობს ხმა-ტკბილად ეკლესია, და ივერთა მგრობობიარე გულში ელვის სისწრაფით ბრწყინდება ლამპარი სიხარულისა, ვინაიდგან გო-

ლობა ესე გაახსენებს მათ გელათის ტაძარს, რომელიც ჩვენი კუთხის მორწმუნე ქალისა და კაცისათვის ყოფილა, არის და კვლად დარჩება გულის ძარღვედ და თვალის გუვაზედ უძვირფასესად...

შობაა ყოვლად წმიდა მარიამისა, განიხარე და მხიარულ იქმენ, მღვთის-მშობლის წილ-ხლომილო გრო! გელათობაა, განხარებთ გულით, სრული სიწრფელით და მაცოცხლებელი სიყვარულით, სულიერ-ნო ძენო და ასულნო ჩემნო!

სასიქადულოა თქვენთვის და ღმობიერებით ვმადლობ დედასა ღვთისასა, რომ გახსოვთ დღე ესე, გიყვართ იგი და პატრესა სცემთ მას, რასაცა უცილობელ ჰყოფს ესოდენი კრება თქვენი ნათესავებით, ნაცნობებით, შვილებით და შვილის-შვილებით. გახსოვთ და დიდის ვედრებით გვედრებით, ნუ დავიწყებთ ნურასოდეს ამ კეთილსა და საღმრთო ჩვეულებას, ნუ მიიმჩნევთ სამძიმოდ ყოველ-წლობით შემოკრებას ამ თქვენი მამა-პაპათა სალოცავის ფრთეთა ქვეშე, ნუ ამოიყვანთ ბალახს ამ თქვენი დედა ტაძრის გზაზედ თქვენი აქ მოუსვლელით, დაუდეთ ანდერძად და მცნებად თქვენ შვილებს და შვილის-შვილებს მტკიცე ხსოვნა დღევანდელი დღისა, გულითადი სიყვარული ამ საღმრთო ალაგისა, შეუდრეკელი სასოება ამ სასწაულთ-მომქმედ ყოვლად წმიდა ღვთის-მშობლის პატროსან ხატზედ, მისს წინ ხშირად ვედრება, მისი სიახლოვით დატკბობა და მისს საგრილობელს ქვეშ სულიერად აღორძინება.

ჩვენ ყველანი ვდღესასწაულობთ, ყველას გვაფრთოვანებს საღმრთო სიხარული, მაგრამ ამასთან ერთად მოვალენი ვართ ვიცოდეთ, ყოვლად წმიდა ღვთის მშობელიც განხარებულია ამ ჩვენი დღესასწაულობით თუ არა? ოღონდაც განხარებული იქნება, უკეთუ ჩვენი დღესასწაულობით განვახორციელოთ ასი გულითადი წადილი—გავშორდით ცოდვას, ვევიძინეთ სარწმუნოება, სასოება და სიყვარული, ვგვთრგუნეთ არა წმინდანი ენებანი და ხორციელნი ელის თქმანი, დავინერგეთ, აღმოვიცენთ, გავიწურჩინეთ და აღვიყვავეთ გულში ნაყოფნი სულისა ილისანი; სიყვარული, სიხარული, მშვიდობა, სულიერადი ძეგლება, სიტკბოება, სახიერება, სარწმუნოება, უდროება, მარხვა, მოთმინება (გალატ. ნ, 22) აი თუ ვიგვახარებთ ყოვლად წმიდა მღვთისმშობელს, რითი შევძენთ მას დღესასწაულს, აი რომელი

სიკეთის მოსაფენად კაცთა შორის იტვირთა მან მუტლითა თვისითა და აწოვა ძუძუნი თვისნი მაცხოვარსა ჩვენსა იესო ქრისტეს! ვისმინოთ ხმა ჩვენი ზეციერი დედისა, მივილოთ, შევიფრთხოთ და შევირგოთ დედობრივი მოძღვრება ყოვლად წმიდა მარიამისა ისე, როგორც ყრმები მიიღებენ და შეითვისებენ ხოლმე დედის ძუძუთგან გამონაწოვრძეს, წადილოთ საღმრთო სურვილი ყოვლად წმიდა ღვთისმშობლისა ჩვენს ოჯახებში, მოვფინოთ და გავავრცელოთ იგი, რამდენადაც შეიძლება, ჩვენს ნაცნობთა და მეზობელთა შორის, ვაგრძნობინოთ ყველას ჩვენი კეთილი ცხოვრებით და მაგალითით სულის ჩამდგმელი სითბო მღვთისმშობლის დედობრივი მკერდის სიახლოვისა, ნეტარება მის ძუძუთა წოვნისა.

ოჰ, რაზომ დაშორდნენ მრავალნი ჩვენთაგანნი მღვთისმშობლის დედობრივ კალთას! როგორი გველის შხამზედ შესცვალეს მრავალთ მისი ტკბილი რძე! რა ამბავია ჩვენს გარეშეშეშე? რას ვხედავთ და რა გვეგმის? მრავალნი ძენი და ასულნი იმ ერისა, რომელიც ხადის თავის თავს მღვთისმშობლის წილ-ხლომილად, რომელსაც თუ მოუპოვებია კეთილი სახელი ქვეყნიერობაზედ, მოუპოვებია მართოდ მართო სარწმუნოებისათვის თავ-დადებულობით, მრავალნი ძენი და ასულნი ამგვარი ერისა, გატაცებული უცხო ქვეყნების შეგინებულ შვილთაგან ნასესხებ ღვინაბეჭებთან ზღაპრებთან, გადასდგომიან დღეს სარწმუნოებას, მისცემიან კაცის ღირსების დამამზობელ ცხოვრებას, ხრწნიან გონებრივ და სარწმუნოებრივ გაუნათლებელ და შეუგნებელ დაბალ ხალხს, ახდენენ ალგა-ალგ ამბოხებას და, მიძიმს სათქმელადაც, არ უკადრისობენ მოძმეთა სისხლის დაღვრასაც კი!

რა უფლება-ლა გვაქვს ამის შემდეგ კიდევ ვუწოდოთ ჩვენ თავს ღვთისმშობლის წილ-ხვედრი? რითა-ლა გვაუწყებს შობა მღვთის-მშობლისა სიხარულს?

ნუ, ნუ შევაგინებთ, ნუ დავგმობთ, ნუ შეურაცხყოფთ, ძვირფასო მსმენელნო, ასეთი თავგებობით, ასეთი კადნიერებით და წინდაუხედელოობით ჩვენ საღმრთო წარსულს, ვამხილოთ და შეგვრისხოთ გულმტკივნეულად ჩვენი შემცდარი ძმები და შვილები, ვაცოდინოთ ქეშმარიტება და ვიხმაროთ ყოველი ღონისძიება მათგან ანთებული გამანადგურებელი ცეცხლის გასანელებლად; დავუმტკიცოთ ყოვლად წმიდა მღვთისმშობელს, რომ ჩვენ ვართ არა ხოლო მსმენელ ღვთის სიტყვისა, არამედ მყოფელ (იაკ. 1, 22). ამინ!

ენისკაზისი ლეონიდა.

სამკურნალო და ჰიგიენური

გ ა ნ ე ო ზ ი ლ ე ბ ა .

მამის საუბარი

გუჯლისხშიერ შკითხველთან.

ვინ არ იცის, რა ძვირფასი რამ არის ჯანმრთელობა და რამდენად მწარეა და სიცოცხლის გამაუფლებელი ავადმყოფობა. ამიტომაც ყოველი ადამიანი მონატრულია ჯანმრთელობისა, მაგრამ იშვიათია, ისეთი ვინმე, თუ ხშირად არა, ხანდა-ხან მაინც არ ჩაუვარდეს ავადმყოფობის მწარე კლანჭებს. თანამედროვე ადამიანი ისე შეჩვეულია ავადმყოფობას, რომ თითქმის სულ მის მოლოდინშია, და ვერც კი წარმოიდგენს, თუ ავადმყოფობა სიცოცხლის აუცილებელ კუთვნილებას არ შეადგენს. და მართლაც, ეხლანდელი ცხოვრება იმდენად გაუკუღმართებულია, იმდენად მრავალია ის მანეჟ პირობები, რომელიც ჩვენ გარს გვარტყია, რომ ავადმყოფობა თითქმის ყოველთვის და ყოველგან მსუფვეს და ბევრსაც უდროოდ ასალმებს ამ წუთი-სოფელს, რომლის მოშორებაც ყველას ენანება, რაც უნდა წვალებაში იყოს ადამიანი და რაც უნდა განსაცდელს აყენებდეს მას ცხოვრების მძიმე უღელი.

ხომ ბევრი გაჭირება ადგია თანამედროვე ადამიანს, მაგრამ ყველაზე უფრო შესაშფოთებელი მისთვის ავადმყოფობა არის. სიღარიბის სიმწარეს, სიმშობს, წყურვილს, სიცივესა და მრავალ უკუღმართობას ადამიანი ადვილად ეწვევა და ბედსაც ურიგდება, ხოლო ავადმყოფობას-კი მეტისმეტად უბრთხის და ყოველ განსაცდელზე უფრო მწვავედ სთვლის. რაც უნდა მარჯვე და მხნე ადამიანი იყოს, მაინც არ შეიძლება, არ შემოთდეს, როდესაც ან თვითონ, ან ვინმე მისი ოჯახის წევრთაგანი რაიმე სენით არის შეპყრობილი. ყველა ცდილობს რაიმე იღონოს სენის წინააღმდეგ, მაგრამ მრავალი მიზეზია, რაც წინ ელობება და ხელს უცარავს მას. რასაკვირველია, ვინც ქალაქ ადგილს არის და საშუალებაც აქვს მიმართოს მკურნალს—ამათზედ ჩვენ არას ვამბობთ. მაგრამ ასეთ ბედნიერთა რიცხვი ხომ დიდი არ არის. ჩვენ უფრო მათზედ ვლაპარაკობთ, ვინც სოფლად არის, და

ამიტომაც მოკლებულია დროზედ მისაღებ დახმარებას. ამნაირ პირობებში მყოფმა, მეტი ჯანი არ არის, ჯერ მოკლდით უნდა დაიწყოს ექიმობა, იმ იმედით, რომ ეგებ ორ-სამ დღეში ავადმყოფობამ ისედაც გაიაროსო. ამასობაში, თუ სენი სულ უბრალო არ არის, მატულობს, უფრო ღრმად იდგამს ფესვს სხეულში და ღონივრად ჰკიდებს ხელს. ამას ზედ ერთვის თავის-თავის მოვლის უცოდინარობა და ამიტომაც სულ უბრალო მიზეზი ხან-და-ხან დიდ სნეულებად გარდაიქცევა ხოლმე. ამნაირად ხშირად მარჯვე აგებულების მექონიციკი სულ უბრალო რაიმე ავადობის მსხვერპლად ხდება. ამის მაგალითები მრავლისაგან-უმრავლესია ჩვენს სოფლებში და ვისაც იქ სამკურნალო მუშაობა შეჰხვედრია, ყველას აურაცხელი მაგალითები უნახავს ამისი. ასე რომ სოფლად უმეტესს ნაწილს ასალმებს წუთისოფელს მხოლოდ გაუბრთხილებლად, თავისი აგებულების უცოდინარობა და დროზედ საშუალების მიუღებლობა.

ის კი არა კმარა, რომ ადამიანმა ავადმყოფობის დროს დაიწყოს ჯავრი, ბედის მომღურაობა და უსარგებლო სინანული, რატომ დამემართა ეს და რატომ გავხდი ავადო! ეს ხომ ყოველივე ამაო და უსარგებლოა! ამით რაღა ეშველება წამხდარ საქმეს?! ის უფრო საჭიროა, რომ თვითელი ადამიანი დაკვირვებული იყოს თავის აგებულებაზედ, ესმოდეს ის, რაც არის მისთვის სასარგებლო ან მავნებელი, საჭირო ან მოსარიდალი; ადამიანი, როგორც ბუნების გვირგვინი, მართლაც შეგნებულად უნდა უყურებდეს თავის აგებულების ვითარებას და არ უნდა ემსგავსებოდეს პირუტყვს საზიანოს უნდა ერიდებოდეს, სასარგებლოსკენ მიისწრაფოდეს და წინდახედულად ეკიდებოდეს ისიცოცხლეს, რომელიც მას დაბადებდგანვე აქვს ნაჩუქარი. თორემ ბოლოს საქმის გამოკიდება და კენესითა და ოხვრით იმის გამეორება, რომ „იმ დალოცვილ ღმერთს, რა დაუშავე, რომ ავად გამხადოა“—როგორც ამას ბევრი გაიძახის ხოლმე—გვიანდაა! ამ ფუჭი სიტყვებითა და უსაფუძვლო წუწუნით კი არა კეთდება რა.

ამისათვის უთუოდ საჭიროა, რომ თავის-თავის მოვლა თვითელმა ცოტადნად მაინც იცოდეს. ეს ცოდნაც წინდაწინვე უნდა ჰქონდეს კაცს შეძენილი, თორემ ავადმყოფობის დროს ამის შეს

წავლა უდროოდ არის და შეუძლებელიც. ყველგან, შეგნებულ ქვეყნებში ამგვარი ცოდნა, სხვა საჭირო სწავლასთან ერთად, თვით სასწავლებლებში შეიძინება ხოლმე. სწავლას იქ არავინ მოაკლდება და ამისათვის ეს ცოდნაც საყოველთაო არის. მაგრამ ჩვენში ჯერ ყველა ვერ ეღივება სასწავლებელში ყოფნას, და ვინც იქ არის, ისიც არაოფერს არ სწავლობს ჯანმრთელობისა და ავადმყოფობის შესახებ. ჩვენებური მოსწავლე ცხრა მთას იქით მომხდარ ამბავს თამამად მოგიყვებათ, და თავის ცხვირს როგორ უნდა მოუაროს გაცივების დროს—იმისას-კი ვერას გეტყვისთ. ამისათვის ცხოვრებაში შესვლისას ყველა იმ ცნობებით სარგებლობს, რაც აქა-იქ ყურის-მოკვრით შემთხვევით დანახსოვრებია ან გაუგონია. და ამნაირი ცოდნა-კი ხან-და-ხან სრულებით გამოუსადეგარი გამოდის და ხშირად მავნებელიც ავადმყოფისათვის.

საჭირო-კი არის ადამიანმა თავისი სხეულის აგებულება იცოდეს და მისი მოვლაც ესმოდეს. ცოტაოდნად მაინც, რადგანაც ამ სხეულით დაბადებულა იგი, ამით უნდა განვლოს მან ცხოვრების მძიმე გზა და სიკვდილის კარამდე მასთან უნდა ჰქონდეს საქმე. ამ სხეულის კეთილ-დღეობაზე დამოკიდებული ერთის მხრით მისი მომავალი ცხოვრება: ან გაატარებებს ამას კარგის ბედსაღივით, მარჯვედ და მხნედ, ან და ადრე დაჩაჩანაკებულს და უგემურის ჩიქიქით შეწუხებულს ძლივს მიათრევენებს სიკვდილის კარამდე. განსხვავება ერთსა და მეორეში დიდია, და თუ ადამიანი უბრალო, წუთიერ სიამოვნებისათვის ხან-და-ხან თავს არ იზოგავს და ხარჯსაც არ ერიდება, ნუ თუ იმდენი მაინც არ უნდა მოისურვოს, რომ ეს ცოდნა, თავის-თავის ჯანმრთელობისა და მოვლის, არ შეიძინოს?! ის ცოდნა, რომელიც მასვე გააბედნიერებს და არა თუ წუთიერის, არამედ ხანგრძლივის სიამოვნების წყაროს გაუჩენს!.. ეს ყოველი გონიერი ადამიანის მოვალეობაა, მაგრამ სამწუხაროდ ბევრს სრულებით აბუჩად აგდებული აქვს იგი.

მაგალითად ჩვენ ყველამ ვიცით, რომ მოშინების დროს საქმელი უნდა მივიღოთ, ეს არავის არ ავიწყდება. საქმელი პირთან უნდა მივიტანოთ, კბილი გაუქნ-გამოუქნიოთ და შემდეგ გადავკლაპოთ. ეს ყველამ იცის, არავის არ გადავარდება გულიდან. მაგრამ, აბა თუ ყველამ იცის, რის-

თვის ჩავდივართ ამას, ან რა საჭიროების გულისათვის? რა ემართება მერე ამ საქმელს, რანაირად ითვისებს სხეული მას?—ამას ხომ უმრავლესობა არც დაეძებს. მაგრამ ამის უცოდინარობა ბევრს აზარალებს ხოლმე. ბევრი წარა-მარად აყრის კუქს რაც და როგორც შეხვდება, ის-კი ავიწყდება, რომ კუქი ხალთა არ არის, და ყველაფერს ვერ მიიღებს. არამედ მასაც ზომა და შერჩევა უნდა, დაკვირვება და გაბრთხილება. ბოლოს, როდესაც ტკივილები სადგისივით დაესობა, იწყებენ კონასავით ყველა ექიმებთან ჩამოვლას, და თუ მაშინვე ვერ უშველეს—კარგადაც შეუკურთხებენ მათ—ვერაფერი გვიშველეს, ავადმყოფობას ვერ მიგიხვდენო და სხ. ის კი ავიწყდებათ, რომ ათი და ოცი წლით სტომაქის მოუვლელობას ისეთი ცვლილება აქვს მოხდენილი მის აგებულებაში, რომ უცებ და აჩქარებით არაფერი ეშველება, თუ არ რიგინის, წინდახედულის და დაკვირვებულის მოვლით. საამისო ხანგრძლივი მოთმინება-კი ვინ მისცა ზოგიერთ ადამიანს?! უმჯობესი არ იყო თავიდავანვე გაბრთხილებოდა თავის თავს? რასაკვირველია. მაგრამ ამას ხომ ცოდნა უნდოდა? კიდევ ამიტომ არის საჭირო იცოდეს ადამიანმა სასმელ-საქმელის თვისება, კუქის ანუ სტომაქის მუშაობა, რისთვის არის საჭირო საზრდოობა და ან როგორ უნდა ისაზრდოს ადამიანმა?

შეორე მკვლათა. ყველამ ვიცით, რომ საქმელთან ერთად სასმელიც უნდა მივიღოთ და ამას ჩავდივართ წყურვილის მოსაკლავად. ესვამთ წყალს იმდენს, რამდენიც გვინდა და გვიამება. მაგრამ საქმელს წყლის მაგივრად ღვინოს ვაყოლებთ, რადგანაც ეს კურთხეული სასმელი ჩვენს ქვეყანაში საკმაოდ მოდის. უმრავლესობამ არც იცის ხოლმე ზომა, რამდენი უნდა მიიღოს ღვინო, სად უნდა შეჩერდეს და რამდენს შეიშნობს მისი სხეული. საზომად მხოლოდ ის აქვსთ, როდესაც ღვინო გაუჯდებათ იმდენად, რომ გონება ცოტად აშლას იწყებს და გულის რევაც მოახლოებულია. ჩვენში სამწუხაროდ ეს უცნაური ჩვეულება არის გავრცელებული. უმრავლესობა ცდილობს იმდენი დალიოს, რომ ტოლუმბაშმა ადრე არ აავდოს სუფრიდგან და თუ ვინმემ ისე მიაჩვია სხეული, რომ რამდენიმე ბოთლის ერთად დაკლაც-კი მოახერხა, —ეს ჩვენ კაცს. ს ი

ვიც ექვება. იმას-კი სრულებით არ ჰფიქრობს, რომ ამდენ ღვინოს რომ სვამს, ის მის აგებულე-ბაში ჩადის, რომ ეს ღვინო მთელ სხეულს გაუჯ-ღება, და ამისათვის მთელს აგებულებას უნდა გარ-დახდეს მისი სამაგიერო!.. წინდაუხედველ ადამიანს კი ჰგონია, თუ ერთი გამოიძინა და „გამონელდა“ ღვინო—ამით ყველაფერი გათავებულა. ის არ იცის, თუ რამოდენიმე წლოვით ამგვარს უზომო ღვინის მიღებას დიდი დაბრკოლება მოაქვს სხეუ-ლისათვის, გულს ასუსტებს, ღვიძლს აზიანებს და მრავალგვარ ისეთს სენს აჩენს, რომელიც ხან-და-ხან სიცოცხლის გამამწარებელია და უღროდაც სიცოცხლის მომსპობი. რომ გაუქირდება მაშინ-კი დაიწყებს წუწუნს, ექიმთან სიარულს, ღვინოს გემოთაც აღარ გასინჯავს, მაგრამ გვიან. რამდენ-იმე ათ-წლოვით გაფუჭებულ საქმეს ეხლა რაღა უშველის? და ეს ასე არ იქნებოდა, რომ ადამი-ანი გაბრთხილებოდა თავიდანვე თავის აგებულე-ბას და ყველაფერში ზომიერება დაეცვა. მაგრამ ამას ხომ ცოდნა უნდა? კიდევ ამისათვის არის საჭირო კაცმა იცოდეს ღვინისა და მაგარი სასმე-ლების თვისება, რისთვის არის საჭირო სასმელი და ან რა ზომით უნდა მას მიღება, რა შედეგი მოჰყვება ხოლმე უზომოდ სმას და რა გავლენა აქვს მას ადამიანის სიცოცხლეზე?

მესამე მაგალითი. ყველამ ვიცით, რომ სასმელ-საქმელსა და ტანთსაცმელს გარდა საჭიროა თავ-შესაფარი ადგილი, რომელსაც სახლს ვეძახით. ზოგს კარგი სახლი აქვს, ზოგსაც უბრალო ქოხი ძლივს აუშენებია, მაგრამ ყველასათვის რამეა საჭი-რო ღამის გასათევად და სადგომად. ეს ყველამ იცის. მაგრამ ძალიან ცოტამ იცის, როგორი უნდა იყოს სახლი, ან რა ნიადაგზე სჯობს მისი აშენება, რომ იქ ყოფნა მვენებელი არ იყოს სხეულისათვის. თუ ერთხელვე სახლი მდგარა და ვინმეს შიგ უც-ხოვრია—ეს საკმაოდ მიაჩნიათ სოფელში, რომ ეს ადგილიც და სახლიც მოწონებული იქნეს. ხში-რად-კი ადგილი ისეთი ცუდი და მავნე თვისების არის, რომ იქ მდგომს ხეირი არასოდეს არ დაეყ-რება. თუ ავად გახდა ამნაირ ადგილს ადამიანი ან დაღალბათდა, ამას ან „წერას“ დააბრალებენ, ან ხატის მიზეზს; ნამღვილ მიზეზს-კი ხშირად ვერ ხედებიან, და ხშირად მთელ ოჯახს ავადმყოფობა არა შორდება. მაგრამ ამასაც ხომ ცოდნა უნდა?

საჭიროა კარგად ვიცოდეთ, რა თვისება აქვს ნი-ადაგს, როგორი ნიადაგი არის ჯანმრთელობისთვის. კარგი და რომელი არის მვენებელი, როგორი უნდა იყოს სადგომი სახლი, რომ მასში მდგომი-სათვის იგი სასარგებლო იქნეს?

მეოთხე მაგალითი. ვსთქვათ გაჩნდა რამე გადამ-დები სენი სოფლად. ყველას შიშის ზარი ეცემა და ცრუმორწმუნოების ზომებსაც ხმარობენ ხოლმე, ეგებ როგორმე ავიშოროთ მოსალოდნელი სენიო. რიგიან ცოდნას-კი მოკლებულნი არიან, თუ რა საშუალებას უნდა მიმართოს ამ დროს კაცმა. კი-დეცაც ამიტომ მოედება ხოლმე სოფელს გადამდები სენი და წელიწადი ისე არ გაივლის, რომ ერთმა ან რამოდენიმე გადამდებმა სენმა ბევრს არ აუტი-როს ოჯახი და არ გამოაცალოს ძვირფასი არსება ხელიდან. მდაბიო ხალხს ესეც „წერა“ ჰგონია, მაგრამ ჯავრის სიმწარეს მაინც ვერ დაავიწყებიებს ასეთი ახსნა. რატომ ხდება ხოლმე ეს? უფიცობით და უცოდინარობით. ამისათვის საჭიროა იმისი ცოდნა თუ როგორ ჩნდება გადამდები სენი, რა უწყობს ხელს მის გავრცელებას და რა საშუალე-ბით შეიძლება მისი შორიდება. თავიდან აშო-რება.

ექიმი ვ. ღ—ძე.

(გაგრძელება იქნება)

შეწირულებანი.

მ. რედაქტორო! თქვენგან გამოგზავნილი ათი-მანეთი წარმოგზავნილი «მწყემსი»-ს რედაქციაში მათხოჯის დედათა სავანის სასარგებლოდ მღვდლის მამა გრიგორ ნიკურაძის—კანდელაკისაგან მივიღე, რომლისათვის გულითადად მადლობას განუცხადებთ შემომწირველს—მამა გრიგორ კანდელაკს, როგორც მე, ისე მთელი დედათა სავანის დები.

მათხოჯის დედათა სავანის რჩევის
თავმჯდომარე პარასკევა.

მ. რედაქტორო! უმორჩილესად გთხოვთ თქვენი პატივცემული გაზეთის «მწყემსი»-ს საშუალებით, გულითადი მადლობა გამოუცხადოთ ჩემი და ჩემი მრევლის მხრით შემდეგ პირებს, რომელთაც შემოს-წირეს ჩემდამო რწმუნებულ ნადაბურის წმ. თეო-დორე-ტირონის ეკლესიას ფულად: ა) ლიჩის სამ-რევლოს მღვდელმა ანტონ ნოზაძემ და მისმა მეულ-ლემ სევორანია სპირიდონის ასულმა 6 მანეთი; ბ) გლენხმა ფილიპე გლახუას ძე გელაშვილმა 5 მანეთი და გ) გლენხმა თედორე ივანეს ძე გელაშვილმა 5 მან. და სრულიად 16 მან.

მღ. სიმონ კალანდაძე.

ი ს ყ ი ლ ე ბ ი ა ნ

დგანოში და ვით დამბაშიძისაგან შედგენილი და გამოცემული წიგნები:

თბილისში, წერაკითხვის გამავრცელებელი საზოგადოების წიგნის მალაზიში, ქუთაისში— «მწეშის»-ს რედაქციის სტამბაში, ძმ. კლაძეების და ე. ბეჟანაშვილის წიგნების მალაზიებში და ყვირილაში—თვით გამოცემელთან.

1. საეკლესიო და ღვთის-მსახურების წიგნები.

1. ლოცვანი ნახატებიანი, გამოცემა მესამე. მართლ-მადიდებელი ეკლ. უძოთარესი დღესასწაულების ისტორიული მოახრობი. ამ ლოცვანში არის მთელი წლის ტროპარ-კონდაკები, სერობა, პარაკლისი ღვთის-მშობლისა და ზიარების ლოცვა. აგრეთვე ამ ლოცვნის სრულს თვეთა მეტყველებანი არიან ჩართულნი საქართვ. წმადნები მათი ისტორიული მოთხრობით და ტროპარ-კონდაკებით. ფ. ყლით 50 კ. და უყდოთ . . . 40 კ.
2. წესი სწეულის ზიარებისა და ვრცელი პანაშვილისა, ფასი . . . 10 კ.
3. ოცნება და გარდაცვალებულთა მოსახსენებელი კონდაკი (კარგის ყლით) ფ. . . 30 —
4. ძონდაკი იოანე ოქროპირის წირვისა უყდოთ 40 კ. კარგი ყლით . . . 60 >
5. შემოკლებული ლოცვანი ანბანით და თორმეტი საუფლო დღეების ტროპარ-კონდაკებით ფ. . . 5 >

2. სასწავლო და სახელმძღვანელო წიგნები.

1. ღარიგება საღმრთო სჯულის სწავლებასზე, რომელიც უწმ. სინოდისაგან მოწონებულია როგორც სასწავლო საღმრთო სჯულისა საეკლესიო-სამრევლო და სხვა პირველ დასაწყის სკოლებში—ფასი . . . 50 კ.
2. იგივე ღარიგება საღმრთო სჯულის სწავლზედ რუსულს და ქართულს ენაზე ხმის ამალღებ ს ნიშნებით—ფასი . . . 55 კ.
3. დაწყებითი გაცვეთილები საღმრთო სჯულის სწავლებასზე, ფასი . . . 15 —
4. ახალი სასულიერო კონსისტორიათა წესდებულება—ფასი . . . 40 კ.
5. მღვდელთათვის საიღუმლოების შესრულების

დროს საქირო სახელმძღვანელო წიგნი—
ფასი ყლით . . . 20 კ.
6. საქართველოს საეკლესიო ისტორია ფასი 45 კ.
3. სამკურნალო წიგნები და დარკება ჯან-
მრთელობის დაცვაზე.

1. ახალ კარაბადინი, მორე გამოცემა დამატებით, რომელიც განხილული, მოწონებული და ნება-დართულია კავკასიის საეკლესიო რჩევისაგან—ფასი . . . 1 მ.
2. ღარიგება მხედველობის დაცვასა და თვალღების მოვლაზე, ფასი . . . 10 —
4. შესანიშნავი მონასტრები და ეკლესიები და ამ მონასტრების აღმშენებელთა ცხოვრების აღწერილობანი,

1. მცხეთის ტაძარი და წმად ნინო, ქართ. განმანათლებელი, ფასი . . . 25 კ.
2. ბელათის მონასტერი და ცხოვრების აღწერილობა მიფს და ვით აღმშენებ. . . 25 კ.
- იგივე რუსულ ენაზე . . . 20 "
3. შიო მღვიმის მონასტერი და ცხოვრების აღწერა ღირსისა მამისა ჩვენისა შიოსი 5 კ.
4. მთაპარ-მღვ. დავით და მონასტანი და მოწამეთის მონასტარი,—ფასი . . . 5 კ.
- იგივე რუსულ ენაზე . . . 10 კ.
5. ვარძიის მონასტერი, ფასი . . . 5 კ.
6. მარტვილის მონასტერი . . . 2 კ.

5. საუფლო და ღვთის-მშობლის დღესასწაულების აღწერა სწავლობრივ სწავლა დარკებით.

1. ღვთის-მშობლის დაბადება, სურათით . . . 2 —
2. ტაძრად მიყვანება ღვთის-მშობლისა, ფ. . . 2 —
3. ამალღება პატიოსნისა და ცხველს-მყოფელისა ჯვარისა, სურათით . . . 2 —
4. შობა უფლისა . . . 2 კ.
5. პირველი უფლისა, სურათით.—ფასი . . . 2 —
6. ხარება ყოველად ღმრთის-მშობლისა 2 —
7. ბზობა სურათით—ფასი . . . 2 —
8. აღდგომა სურათით—ფასი . . . 2 —
9. მიძინება ყოველად წმ. ღვთის-მშობლისა, 2 —
10. ბელთუქელი ხატის ისტორია . . . 3 კ.

6. მოწამენი, ღირსნი მამანი და დედანი საქართველოს ეკკლესიისა, შესანიშნავი საქართველოს მეფენი და დედოფალნი:

- 1. წმიდა მ-წმე რაქდენი, სურათით, ფასი 5 კ.
- 2. წმ. ნინო ქართველთ განმანათლებელი 2—
- 3. მეფე დავით მესამე აღმაშენებელი 5—
- 4. თამარ მეფე, სურათით 5—
- 5. გიორგი მთაწმიდელი 10—
- 6. იოანე ზედაზნელი 5—
- 7. შუშანიკი 3—
- 8. ქეფეან დედოფალი 2—
- 19. არჩილ და ლოარსაბი 5—
- 10. მეფე დავით III აღმაშენებელი 5—
- 1. იგივე ვრცელი 15 »

7. რელიგიური და სწავლებრივი შინაწიხს წიგნები და საუბრები:

- 1. წმიდანი მღვდელ-მთავარნი: ბასილი დიდი, გრიგორი ღვთის-მამუკალი და იოანე მოქრპირი, სურათებით—ფასი 5—
- 2. როგორ უნდა ემარხულობდეთ—ფასი 3—
- 3. სსოკრება წმ. გოც. სწორის დიდი მთავრის, ვლადიმერისა 2—
- 4. ანდრია პირველწოდებული, ისტორიული პოემა აკაკისა, ფასი 5—
- 5. სიკვდილი მართლისა, კონტოელი კილა-ტმს მუშელის წერილი 5—
- 6 ხმა მოძღვრისა სამწყსოსადმი. საუბარს შესწავლა იესო ქრისტესი 3—
- 7 შეილების მოვალეობა მშობელთადმი 3—
- 8 მშობლების მოვალეობა შეილთადმი 3—
- 9 ეინ არიან ჩენი ცხოვრების მტერი და როგორ უნდა ეძლიოთ მათ 3—
- 10 იუნჯებდით საუნჯესა ცათაშინა 3—
- 11 საუბარი ღვთის სიტყვაზე 3—
- 12 — წრომაზე 3—
- 13. სამეგარი სიკვდილი 5 »

8. მოთხრობანი დაბადებიდან.

- 1. მუჟე სოლომონ-ბრძენი სურათით—ფ. 5—
- 2. მათერი (მოთხრობა დაბადებიდან) სურ. 5—
- 3. სიბრძენი იოსა ძისა ზირაქისა, სურათით. 5—
- 4. იოსები 5—

ხატები და მხატვრობანი.

იმეკონებიან პატარა იაფ-უფასო ხატები ფიცარხხ სამ-ოთხ გოჯიანი ფასი 5—10 კ. ხატები არი-მაცხოვრის, იერიის ღვთ-სმშობლის, წმიდა გიორა გის, ანდრია მოციქულის, პირველ წოდებულისა დე ათ თორმეტთა დღესასწაულთა. ეინც დაიბარებს ხატებს არა ნაკლებ ოცისა, იმათ ჩენს საქართლო-ში ყველგან ფოსტის გასავაენი არა გარდახვებ-ამასთან იმეკონება სქელ ქალღვრე ნახატი წმიდა ნინაი, საქართველოს განმანათლებლისა ვარაყით 6+7 გოჯიანი ფასი 15 კ. ფოტო-ტიპით დახატუ-ლი წმიდანი მთავარ-მოწამენი დავით და კონსტან-ტინე 6+5 გოჯიანი ფასი 5 კ. ამავე ზომისა და ამისთანავე სახით წმიდა ნინო ქართველთ განმანათ-ლებელისა და დავით აღმაშენებელისა ფ. მათოლი 5 კ. ეინც ზემო აღნიშნულ წიგნებს გამოიწერს არა ნაკლებ ერთი თუმნისა, მას მანეთზე დაეთმობა 30 კ. ეინც ორ კაპიკან წიგნაკებს დაიბარებს არა ნაკლებ ასი ცალისა, ფოსტით გაავაენს არ იხდის.

იმეკონება აგრეთვე მრავალი პატარა გული აიკიდი ხატები ფერადღვალთა ლათონისა, სახელდობრ: ნი-ნოსი, დავით და კონსტანტინესა, დავით აღმაშენე-ბლისა, თამარისა, ანდრია პირველ წოდებულისა და წმიდა გიორგისა, ფასი თითოლი 5 კ. ეინც ასს და-იბარებს ნაღდ ფოლზე, მას გაგზავნით დაეთმობ. სამ მან. ესეთი იმეკონებიან ვერცხლისა, ფასი 40 კ.

11. მხატვრობანი სასულიერო და საერო მოღვაწეთა.

- 1. შოთა რუსთაველი. 25 კ.
 - 2. აკაკი წყოყთელი 25 კ.
 - 3. თამარ მეფე 25 კ.
- იმეკონება აგრეთვე შესავალ-გასავალის წიგნები და ყოველგვარი მოწმ. ბლანკები და ამოწერილობანი.

შ ი ნ ა ა რ ს ი:

სალიბრატურო განყოფილება: ქართული საეკ-კლესიო ვალობის შესახებ. დეკ. დ. დამბაშიძე.—პირველი დათვლიერება და რევიზია იმერეთის ეპარქიის ეკკლესიებისა ყოვლად სამღვდლო ლეონიდის მიერ. დეკ. დ. დ.—მღვდელი ნიკოლოზ ძიმისტარიშვილი (ნეკროლოგი).—მუხანს (ლექსი) თ-ლი რ. ჩიქოვანი.—ეურარნალ-გაზეთებიდან.—ახალი ამბები და შენიშვნები.

სწავლა და მცენიერება ძინსტიანოზიკის სარწ-მუნეობასა და კათილ-წნეოზაზე: სიტყვა, თქმული 8 ენკენისთვის გელათის მონასტრის ტაძარში ყოვლად წმი-ღვთის-მშობლის დაბადების დღეს, იმერეთის ეპისკოპოსის ლე-ონიდის მიერ.

სამკურნალო და ჰიგიენური განყოფილება: ექიმის საუბარი გულისხმიერ მკითხველთან. ექიმი ვ. დ.—მე.—შეწო-რულეხანი.—განცხადება.

რედაქტორ-გამომცემელი დეკ. დ. დამბაშიძე.

Редакторъ-Издатель П. Д. Гамбашидзе.

Дозволено цензурою 30 сентября 1902 г.

Типог. редакция журн. „Пастыръ“ (П. Д. Гамбашидзе) въ Квирилахъ въ собст. домѣ.